





南金仲伯

七

玄象山館詩草卷第九

內史南師仲子興著草

東萊原一魁仲文選正

蘄春冠學海巨源編閱

魏郡崔邦亮德嚴校梓

弟南企仲伯稚蒐集

七言律詩

涇陽道中

佳氣氤氳一望收淡煙衰草自悠悠不妨
野老尋歸路何處胡姬問酒樓馬上乍霑
秦苑雨壠頭猶帶漢宮穉低回千古愁無
限唯有濤聲日夜流

祓祠懷王吉士辛憲僉兩同年

白雲深護美人居匹馬清秋興不踈同第
十年慙舊塔相思一夜夢雙魚瀉星晴映
梁園雪藜火光搖漢閣書自咲淺才空歲

莫一竿猶傍渭川漁

頻陽吊斛山先生

溱水泠泠白日閒先生久矣厭塵寰自憐
失馬來燕市真媿批鱗叩帝關四海清
風懸諫草孤村寒雨暗秋山渚蘋欲採無
由薦千古精靈未可攀

晚宿惠果寺夢兩兄聯句覺來有作
於戲余兄伯倅覃懷仲令棘津咸卒

宦邸每一感觸不勝潛然矣

當年二陸擅辭曹春草池塘調自高
鴛翻已迷原上影棣華猶映夢中毫
雲來潭水沉飛鳥雨過行山冷
佩刀獨卧禪堂松月靜不勝雙淚落寒袍

得崞縣賈明府詩因憶慶州張文學

却寄四首

薊門楊柳賦歸來此日鄉園意轉哀
白雪

却緣鴻鴈下青尊誰向故人開
幾回失馬憐雙鬢獨召離蟲媿大才
讀罷翻思張仲蔚青毡搖落五陵隈

其二

數載江湖老客星窮居誰復問飄零
鴈門夢繞秋雲白馬嶺愁深夜雨青
百里已看推製錦諸生猶自讓譚經
亦知不染風塵色寐莫山陰泛雪舲

其三

當年擊筑鳳城隅
慷慨酣歌混狗屠
桂樹三穗生岳麓
梅花一夜滿江湖
綈袍誰識秦丞相
治策終憐漢大夫
試問別來蕭索意
何人調笑酒家胡

其四

塞上瑤琴似有情
關西絳帳久知名
誰家桃李呈春色
何處絃歌度曉聲
薄俗年來甘自拙
新詩賦就幾人驚
知君不負千秋約
雙鯉迢遙向渭城

寄進父宗尉昆季六首

別來風雨暗燕關
寂寞黃金草色班
薄俗頓令銷駿骨
浮名容易失朱顏
詩成感舊馮誰達
賦擬閒情且自刪
若問故人搖落意
開窓空見望中山

其二

去年明月醉君樓
意氣如君未可酬
露滴霜毫歌搗練
筵開清夜咲牽牛
青楓已變終南色
蒼莢初搖渭北秋
風雨若教龍劍合
不知人世有封侯

其三

生涯飄泊媿三餘
瓜種東陵強荷鋤
天末王孫迷去路
河邊芳草揔愁予
未緣卧病酬賓戲
敢覬慈才問子虛
長鋏因君彈更切
雄心豈為食無魚

其四

漢家三鳳振飛翰
莫向元方羨二難
朱戶卿雲天外見
小山叢桂月中看
坐橫綠綺酬新調
村繞滄浪覓舊竿
一水盈盈驚歲莫
相思不散室中蘭

其五

蕭蕭落木思難裁
雲鎖龍池晝不開
此日

尺書雙鯉去當時並馬曲江來死生忍負
朱家誼淹蹇深悲王粲才笑我無能成片
玉中間小陸欲登臺

時同王宗道及五弟
間相酬和遂湯及之

其六

閉門休擬著潛夫短褐蕭然祇故吾伏枕
三爍生薜荔懷入一夜長蘼蕪青萍湖海
光偏妬白雪風塵調轉孤為念長安豪俠
意于今誰共爾呼盧

老妓

春華何事忽斜陽憶昔曾憐傾國粧翠被
祇餘明月夜羅襦不共少年場塵埋錦瑟
銀燈暗雪滿菱花玉筋長最是銷魂絃管
地誰家寶馬冶遊郎

得賈魯玉書兼讀吊友諸什

為念狂歌共酒尊書來春色滿柴門相思
空枉加餐字多病常懷知己恩落日孤城

環渭水莫雲千里隔樓煩可憐同抱交游
恨賈傳于今吊屈原

夏日職方弟過飲園亭時同益侄用
蕭內翰韻

江湖司馬倦遊年小阮襟懷差可憐為愛
遷鶯飛坐上何妨返照落杯前窓銜渭水
煙波靜臺近蓮花紫氣懸歲月漸看雙鬢
改相期莫負祖生鞭

哭子秀十首

有客傳書自帝州如何之子遽冥投陽
春已絕人間曲剡水空回夢裡舟落日愁
雲凝大塊高梧病葉散清秋平生心事徒
蕭索遮莫床前對蒯緱

其二

去年握手玉河干念爾猶歌行路難豈謂
玉樓天上就竟令瓊樹雨中殘緱山雙雀

凌空遠溲水孤旌際曉寒欲把枰漿強自
瀉不勝涇渭起狂瀾

其三

雍地簪纓奕世豪况君霜管擅詞曹松凋
峴嶺開豐碣雲冷湘江賦反騷太史陸沉
牛馬走舍人零落鳳皇毛父德涵太史只今玉
女峯頭月猶照當年范牀袍

其四

羽翮蕭蕭去不還西風憔悴故人顏猿啼
青塚秋雲莫絃斷朱帷夜雨閒世有一編
驚合浦家餘千里羨燕山君五子如君雙目
猶堪瞑路隔石門草易斑

其五

長安附驥憶當時慷慨千言見爾奇不是
代興元有約忍將斯道竟多岐雄心自古
難諧俗側目而今未足疑才大豈知天地

妬金蘭蕭瑟重予悲

其六

曾將倒屣笑中郎此日何人過草堂絕調
千秋憐翥鳳為官幾載揔亡羊孤村雲鎖
先生柳兩地風回召父棠

自聞喜移封禪
靈壽云

儻煩朝使問茂陵松栢鬱蒼蒼

其七

清時結客五雲隈諸子翩翩賦雪才易水

劍分雙鯉渺恒山星落五羊來蕭然虛牖
還生白邈矣實沉豈是灾青眼祗餘江海
淚交游誰不泣玄臺

其八

傷心吾欲問高天何物輸攻下九淵莫以
登壇失矯健還從逸筍覓嬋娟興來北海
尊初竭愁到南州榻尚懸清怨幾回聞玉
笛山陽懷舊賦空傳

其九

百年事業竟沉淪一哭誰云兒女仁無故
長沙傳服鳥有時曲阜見麒麟白頭豈抱
更生媿赤幟終慙後死身多病因君扶不
起床頭蛩語過松筠

其十

思君何事不銷魂長別翻憐意氣存琴在
誰諳鐘子調客來空憶李膺門精神道德
五千遠日月河山百二昏交誼于今堪已
盡吞聲未敢向人論

秋日巨源過訪山居二首

放浪江湖興太豪何人握手是緜袍天空
月映南州榻秋盡雪飛剡水艘丘壑慙予
懷意氣尊罍藉爾見風騷醉來腰下吳鉤
色照遍秦川萬里濤

其二

裘馬翩翩過草堂
憐君聲價重詞場
關河百里雲成紫
慷慨千年劍是霜
露滴黃花頻把袂
歌殘銀燭幾飛觴
殷勤且莫尋歸路
槐色離亭正渺茫

九日邀巨源郊園登眺

佳節逢君氣自雄
百年登眺幾人同
黃花不負東籬色
白雪猶傳大國風
一帶河山返照裡
千家煙樹暮雲中
相看似有平原意
莫向天涯歎轉蓬

梅花紙帳

美人徙倚行波清
方絮翩翩頓有情
市隱當年梅道士
卧遊今日楮先生
鴈頭影淡珊瑚色
雀膝香飛蝴蝶輕
試問江南一片月
寒霄幾度為誰明

聞詹東圖博士移官留翰有懷

白首譚經湘水隅
移官又復向南都
三秋

銀漢浮僊棹千載金陵入畫圖

雅擅繪辭
事故云

賦于今雄秬苑風煙何處覓江鱸鳳皇臺
上君應醉誰似當年舊酒徒

懷客生時聞 內召

故人為宰意何如聞有徵書下玉除雲擁
赤鳧瞻氣象風回金馬任舒徐蒼生直北
封章重華髮終南落照餘遙憶翩翩燕市
雪可能飛向茂陵居

雨晴集楊明府對月得清字

碧柳新栽倚渭城相看何處有逢迎豪來
長嘯驚風起雨後寒光入坐清豈向江湖
論避俗湯從辭賦欲逃名主人不淺尊前
意懷抱誰嫌一夜傾

沼蓮盛開病卧未赴文學蕭子載酒
賞焉悵然興懷依韻述意且訂來約

云爾

半畝慙非叔度陂廣文載酒漫相期珠擎
翠蓋僊人掌粉靚紅粧帝女姿抱病常時
懶下榻賞心三逕負譚竒山陰知爾還多
興何日蘭橈泛綠漪

秦女睦以郊遊之作見示次韻一首

白社頻年集俊髦襟期同是五陵豪文章
敢謂窺三昧事業于今見二毛榻伴閒雲
心共遠生餘傲骨病來高憐君寄我登臨

賦報答深慙續楚騷

壽南岡先生二首

壯歲聲華徹玉除倦來一日賦歸與蒼生
有意虛前席白髮無心載後車仗鉞曾消
塞上壘開筵常饌渭濱魚只今國事馮誰
策徙倚關門強著書

其二

彩袖翩翩映大椿童顏共喜又芳辰節堅

猷畝元高士星照江湖自老人急管嬌歌
尊酒綠松風蘿月萬年新我來醉擬南山
頌何處桃源問去津

懷巨源

憶昔論詩醉薜蘿扁舟南下夢魂多山中
落木驚長夜江上寒風動短策浪說彩毫
干氣象都無鴻雁慰蹉跎只今明月同千
里聖對因君發嘯歌

送叅伯原公移鎮昌平四首

先是由
鹵臺提

兵關
上

除目遙瞻下玉京可知霄漢重專城函關
氣染牙旌紫易水風回甲帳清塞北封疆
新秉憲聖中尊俎舊譚兵只今無那攀轅
意麟閣千穗屬大名

其二

萬里褰帷向北門幾年屏翰仰薇垣衙當

金闕山河壯地近蒼梧節制尊到日軍民
應受命向來士女自銜恩眷言賓客何人
是長揖還令意氣存

其三

彩雲晴繞大河干盛世寧云道路難萬馬
秋高蓮岳色雙龍天入薊門寒折衝常藉
帷中筭抗疏猶驚柱後冠此去綿山明月
夜揮毫何似舊長安

其四

鼓吹殷殷動地來開筵肯許蹇徘徊雄心
不佞難諧世雅意先生獨愛才幾向屠龍
虛歲月翻從附驥見鄒枚鼎恩忍負當年
意肯使瑤華到草萊

時方序梓余詩故不勝國士之感云

擣衣

秋氣蕭森木葉稀誰家永夜擣寒衣經年
鴛枕腸空斷萬里龍沙戍未歸情繞關山

悲畫角聲傳砧杵入羅幃馮誰一寄回文
錦淚濕殘梭鴈自飛

玄象山館詩草卷第九

玄象山館詩草卷第十

內史南師仲子興著草

豫章胡汝煥孟弢選正

新都汪元范明生編閱

曲沃李承顏溫甫校梓

侄南居益思受蒐集

七言律詩

春懷八首次馬敦若韻

遮莫春光照眼睛地偏心遠意何驚尋幽
谷口憐芳草枕石溪邊聽午鶯雙別漫嗟
年已去三都空媿賦初成游思聊藉雕蟲
技不附青雲自有聲

其二

雨過雲深曲徑泥衡門鳳字幾人題含情
千里愁攀柳多病三春罷灌畦 聖代不
妨龍自卧芳時何意鳥空啼隣家新酒朝

來熟取醉花間一杖藜

其三

得失無心任卷舒南窓寄傲意何如却緣
迂拙思招隱豈謂窮愁故著書嗜酒終慙
元亮性耽竒錯擬子雲居窓銜渭水春流
靜懶上扁舟學釣魚

其四

世事偏從白髮新流光荏苒歎曦輪圖書

生計成株守湖海萍踪幾故人
坐裏依然秦苑月望中無復漢宮春
感時容易清人骨漫卜終南寄此身

其五

散步平林怯曉寒
又看燕燕語簷端
從它淹蹇心逾壯
莫以風波路轉難
宿鳥歸時知日暮
朝花落處見春殘
瑤琴流水雖成調
香散空堂只自彈

其六

百二河山望裡收
低回翻自廢吟謳
班生投筆非無意
孺子請纓豈浪憂
馬市頓增胡虜氣
狼煙猶照帝王州
只今匣劍凌風吼
誰向帷中一借籌

其七

歌枕無言轉自狂
支離那用計行藏
短袍慣對青山鶴
長嘯時傾碧玉觴
雲裡音書

馮去鴈樓頭春恨望歸航韶華却被浮名
換羞整頰頰對鏡光

其八

逢春且覆掌中甌醉裏常拋分外愁有句
知非黃絹調無懷誰問赤松遊長林到處
狎麋鹿薄俗呼來任馬牛搔首偶然幽興
愜百年吾道已滄洲

檢書

抱甕年來媿蠹魚賦成何用待吹噓垂名
汗簡情原泊寄興殘編樂有餘挿架聊應
供伏枕攤床祗合慰窮居牙籤日映終南
色學圃還看種樹書

哭朱子得

憶從郡閣蓋初傾雨散星流歲屢更傳道
湘南瓊樹殞應知天上玉樓成雲垂丘隴
開新兆花暗山城冷舊盟借問歸來遼海

宦珠林幾度月華明

送楊女若明府入京

行旌忽動渭河干
酒傍驪駒愴不歡
誰道子竒工製錦
却緣貢禹解彈冠
歌聲三疊春雲駐
鳧影雙飛曉色寒
相贈自慙無長物
風塵唯有勸加餐

送楊南克女若再令閨中二首

出宰當年聽頌聲
重攜尊酒送君行
棠垂蔽蒂凌春茂
錦吐芳華照日明
天上一星臨蜀地
人間雙劍別豐城
須知聖主旌賢意
青瑣應畱待政成

其二

別來歲序幾凋殘
又見驅馳向七盤
卓犖再傳循吏傳
支離空咲竹皮冠
雲迷旆影看山遠
雨入琴聲覺夏寒
到日風流能卧治
可無雙鯉度江干

高孝廉赴孟公子太寧宮之約有詩
見貽病中勉和

太寧危閣俯咸京此日雄風萬里生公子
筵開鷗欲下長卿賦就世誰驚堦前流水
還今古眼底浮名幾重輕咲我年來常抱
病讀君瑤草興猶清

山居喜聞伯稚職方弟改考功漫賦
寄意

樗材且復偃蓬蒿愛弟名元第五高池草
夢仍懸謝氏竹林才並屬天曹遷鷺轉見
星辰逼薦鸚宜將藻鏡操幾載江湖淹國
俊眷言啓事莫辭勞

贈蕭廣文二首

心閒那厭廣文清蚤見旌書下渭城制禮
合推秦博士說詩元屬漢匡衡久從詞賦
驚霜管又向鑪錘識令名自古三巴多俊

彥憐君此際已蜚聲

其二

一從儒術重彤庭數載關門見客星堂下
三鱣先兆瑞雲端二華對談經帳開晴日
花同絳氈擁寒宵鬢共青盛世右文終自
達莫言官冷竟漂零

送孫純玉給諫司理南雄二首

謫居忽漫報褰帷飛雪河梁悵別離萬里
雲山孤劔在百年事業寸心知寧親敢負
君王寵抗疏何嫌世路疑此去嶺南梅正
好可能一寄壠頭枝

其二

黯然落日重銷魂忍唱驪駒對酒尊已自
白頭憐意氣更誰青眼向乾坤風寒華岳
催行李月滿凌江照覆盆蚤晚賜環明
主意應畱芳草待王孫

寄陳于韶先生四首先先生貽書大人
念及下里自媿愧惰安能仰佐未光
金玉載錫開我迷津余小子有厚望
焉終篇情見乎辭

西望青天氣欲重代興山斗竟誰宗居然
錦里無司馬祗合巴江有卧龍世路倦來
時嘯傲圖書老去日從容于今却費登臨
屐知在峨眉第一峯

其二

憶自先朝侍聖皇翩翩簪紱見文章
百年直道甘時忌十里浣花對草堂蝶夢
幾回禁苑柳多袍猶帶御爐香囊中無恙
千言在不羨當年柱下郎

其三

少日樞趨岐路餘風塵在苒帳籩廬圖諳
八陣才元妙賦擬長楊世不如天日揔高

憲府節豫章曾輓使君車傷心塞上傳烽
火策國何時向玉除

其四

雪滿蟠龍照夜明朝飛三徑重連城
鼓音敢向雲門奏雞肋誰將豎子名
世業青緗慚後進中原赤幟仰先程
指南倘付東來使肯惜酬恩一劍輕

邑侯崔公攷績次穆敬甫先生韻二

首

萬戶歌絃自賣刀居然循吏冠時曹
澤流關塞河同潤聲徹雲天月並高
何地春陽不化日蚤時風采識人豪
按圖應動長門召綸綍于今已見褒

其二

鳧鳥翩翩舞欲驕幾年摠喜得王喬
案頭郢雪人誰和花裡南薰律更調
製錦光搖

蓮岳色裁斑
寵溢漆園潮
亦知秬苑饒
金句擊壤由
來屬野樵

代崔明府攷績

圖畫蛾眉入漢宮
玉堦春色映龍從
鮮臨清渭烹來美
錦似蓮花製轉工
澗露雲停秦塞白
愛萱日向薊門紅
謳歌四境情何極
深媿諸生續大風

次韻贈姚繼叔

白雪頻年懶自裁
青尊今始對君開
披襟共泛秦川月
吹帽平臨漢時臺
江海轉增陳氏傲
風塵誰愛禰生才
歸期甚莫嗟
棹落芳草芊芊送客回

夜坐有懷次韻簡繼叔

燈前霜管帶春裁
窓外梨花照眼開
意氣幾人來
白社風塵無夢向
金臺漫從倚馬驚
佳句敢謂屠龍負
大才何日與君相對

飲狂歌漫倒接羅回

閨怨二首用韻

香冷金爐恨莫裁
曉奩塵鎖鏡慵開
簾垂湘浦愁中月
路隔巫山夢裏臺
錦字獨含蘇蕙怨
琴心初悅長卿才
欲馮尺素傳幽意
天遠衡陽鴈未回

其二

鴛衾猶是舊時裁
雲暗關河恨未開
抱病聊看連理樹
含情幾上望夫臺
房櫳漏滴三更淚
沙漠風高六郡才
多少浮名牽別思
春光眼底去難回

崔侯拜封戒冢嗣歸省北堂并陳制

詞詩以送之

幾載趨庭樂有餘
翩翩裘馬意何如
雲停荒塞傳綸綍
鴈度重關問起居
臺上自驚千里足
床頭不負五車書
薊門花發秋風

後好賦長揚一寄予

送賈魯玉監郡雲中二首

江湖幾載憶同盟握手俄驚賦北征才子
自應能佐郡儒生豈合浪譚兵龍堆夜靜
笳聲咽馬邑風高鴈影橫政暇亦知饒勝
覽子卿臺畔若爲情

其二

壁壘年來愁太劇于今尊俎幾從容帷中

一箸誰應借塞上三軍爾自供拂檻黃雲
迷晉水當筵紫氣滿秦封請纓好奮終軍
志我已人間萬事慵

秋日東原登眺

病來何處覓丹丘聊向郊原策杖遊華嶽
三峰天外落黃河九曲望中流煙雲荒墅上
秋偏蚤戎馬鄉園老易愁媿我空懷康樂
興平生心事幾能酬

次答秦女睦見憶聞欲奉使入關

僊郎起草興如何念我飄零卧薜蘿詩寄
雲霄秋色遠夢回風雨雁聲多病餘採藥
蓮峯上醉後談天易水阿聞說乘槎將奉
使斗邊遙望一星過

哭陳子獻時以王官卒楚中

春仲憐君促去裝那堪初夏忽霑裳醉來
舞劍渾如夢老去曳裾何有鄉四壁月明
悲二華孤旌雨色度三湘洛陽年少應相
遇服鳥于今有和章

得常吉中翰書

待詔銅龍寵自偏雙簪彩筆漢皇前風雲
氣動千門月鴻雁書連萬里天浪跡不教
流俗測浮名常得故人憐春來擬獻長楊
賦價重鷄林倩爾傳

秋日同友人郊原登眺

臺榭平臨渭水涯相過聊復駐柴車
逸池夕景含楓葉傍檻秋光到菊花
雀避深林驚俗客煙開別浦見漁家
蕭蕭風雨重陽近極目高天鴈影斜

春日姚繼叔集泰寧宮次家嚴韻

同尋勝地興偏開醉裏吳鉤照斗台
一帶河山空歲月五陵第宅自蒿萊
練垂瀑水天邊落紫散關雲掌上來
莫謂桐江歸未得渭濱亦有子陵臺

再和家嚴韻泰寧宮登眺時同繼叔

古殿遙臨渭水開晴光猶自護中台
龍銜曉雨歸溪洞鳥曳春雲下草萊
壇上步虛人已去檻邊長歎客重來
郊園花竹還堪賞落日同登池上臺

張正甫同年渭上初度時擁湘雲妓
詩以調之

春酒初浮渭水濱
畫眉應自憶夫君
海桃並蒂朱顏暎
梁燕雙翔翠黛分
半榻香殘畱楚雨
一簾風細掩湘雲
嬌歌擬獻千金壽
莫遣榴花妬絳裙

德嚴明府退食之暇開沼植蓮四月
即花有詩見眎余爲勉和二章殊興
浮白之思

退食從容午未斜
琴聲佳興摠無涯
忽驚簾外方塘盡
豈讓河陽滿縣花
濯灑坐看塵漸遠
映墀行見問逾華
何當三輔神明宰
誰意儒流又大家

其二

婀娜風前舞欲斜
幾時春色渭河涯
波洄紫蓋先擎露
錦照紅英蚤放花
堂靜壺觴應調笑
心閒翰墨自年華
憐余授簡無情思
強着荷衣問酒家

夜合花

傍砌名葩色正妍
含情含態揔堪憐
香心夜闔藏春豔
素萼晨舒浥露鮮
乍映韶光嬌欲語
頻聞芳氣忿應蠲
若教羅襪凌波上
祇恐花神妬水僊

曲江送王四下第歸咸林

少華東望鬱蒼蒼
此際無言意渺茫
書在何嫌金欲盡
別來翻見壁生光
歸鴻灞上秋雲淡
立馬城南塞草黃
兄弟白眉誰似汝
他年准擬賦長楊

伯明進父過訪旅舍

相違又見菊花開
旅邸排蒿二竅來
月影當簾將進酒
霜華侵鬢罷登臺
丹楓葉落千林淨
白雁聲流萬壑哀
長望已忘塵世事
莫從伏櫪歎龍媒

九日伯淵宗候過訪二首

久從湖海挹芳名握手無緣夢寐生豈謂
秋來常伏枕漫于老去罄交情筵開華岳
浮雲盡馬度黃河爽氣橫只尺鄉園猶在
目相逢且莫計歸程

其二

畫閣宏開古帝州空中端不少應劉孤槎
何事憐雞肋三絕翻教見虎頭君善賦擬
明珠堪照乘時逢令節足登樓醉來把臂

狂歌起新月蕭蕭映蒹葭

送孫純玉給諫之夏官郎

漢主初徵舊夕郎賜環猶復入明光十年
已改金閨藉五夜重薰玉殿香才自折衝
推武庫聲從草奏見文章到來應慰蒼生
望莫但尊前別恨長

訪張致卿不遇致卿枉顧余復它出
有詩見貽依韻勉和

飄零千古自雄才
風雨蓬門未可駭
我向河山甘抱甕
君從詞賦蚤登臺
白雲深鎖玄亭暮
明月空依剡水回
珠玉翩翩勞問訊
呼兒覓紙不知裁

次韻酬致卿讀小集有感之作

卧病江湖白髮生
敢將薄劣附時英
功名未許清狂虜
才思何須問長卿
覆瓿翻來月旦重
懷瓊祗覺夜光橫
張衡亦有匡時

志老去人憐賦兩京

秋夜與致卿話舊因憶子秀次韻

十年握手曲江頭
此夕因君感舊游
劍在已悲龍氣散
琴亡空聽水聲愁
蟲鳴砌草寒深夜
露滴庭梧入早秋
屈指詞林成往事
一尊聊對共銷憂

寄朱秉器先生二首時開府晉中

一自熊轡入帝鄉
又看節鉞鎮汾陽
星分

法座臨中野才倚長城控北荒虎帳月明
延佐史鴈門秋盡欵名王登壇不獨稱雄
略藝苑于今睹鳳翔

其二

華嶽當年御李車今看出鎮大形墟河山
表裏開烏府鼓角風雲護隼旗媿我自稱
朱履客知君曾受赤松書盈盈一水分秦
晉尺素無由托鯉魚

伯明宗侯許繪玄象山房圖時余將
北上詩以促之

草堂卜築象山頭照眼山花興自幽不謂
跡隨牛馬走翻移文動霍猿愁千盤關路
悲搖落一室煙雲羨卧遊願乞輞川圖半
幅長從縑素挹風流

玄象山館詩草卷第十



玄
界
山
館
詩
草
卷
第
一



